



督漕疏草

總督淮揚等處地方提督漕運海防軍務兼理糧餉兵部右侍郎兼都察院右副都御史臣董誥



已巳集

題失查鳳陽縣節年麥折各職名

題為報銷康熙十二年等事據安徽布政司布政

使佟國佐江安糧道叅政周訓成會詳內稱奉

臣牌開康熙二十八年五月初一日准戶部咨

旨覆開雲南清吏司案呈戶科抄出原任總漕馬世

濟題前事康熙二十八年閏三月初七日題本



月二十三日奉  
旨鄭端等着議處具奏該部知道欽此於本月二十  
四日抄出到部查得先經本部以鳳陽縣每年  
應解淮倉麥折銀三十六兩自順治十四年起  
至康熙九年止不行徵解內康熙六年少徵銀  
一十兩八錢行令作速追完其康熙十年起至  
二十六年止共徵完銀五百二十九兩二錢麥  
二百七十石應折銀同銀兩俱行解部其漏報  
錢糧各官并不行查出之巡撫司道等官行令  
查明

題叅去後今原任總漕馬世濟疏稱前項徵完銀  
兩內除康熙六年分銀二十五兩五錢解交淮  
庫又十二年分銀三十六兩已經解部外其十  
年十一等年起解淮倉銀四百六十八兩麥二  
百七十石應聽該倉解部至各年不行徵解及  
少徵銀兩並不徹查勒追從前巡撫司道又未  
一併開報此案限期已滿則安徽布政使鄭端  
江安糧道周訓成淮倉分司覺羅莫理溥怠玩  
之咎不敢爲寬等因  
題叅前來查前項解淮解部銀兩查對數目相符

無庸議至起解准倉銀麥應令該倉作速折銀  
一併解部其布政使鄭端等三員相應交與吏  
部議處仍行該督將從前漏報各官及不行查  
出之巡撫司道等官作速  
題叅銀麥作速追完報部可也爲此合咨前去查  
照施行等因移咨到部院准此除起解准倉銀  
麥已另檄該倉起解外擬合就行爲此牌仰該  
司查照來文部咨事理即將鳳陽縣前報已完  
解倉銀兩同麥石折銀仍速催解部自順治十  
四年起至康熙九年止不行徵解內康熙六年

少徵銀一十兩八錢作速追完詳報至從前漏  
報各官及不行查出之巡撫司道等官一併查  
明詳報

題叅母得遲違等因到司奉此案照先於康熙二  
十七年九月二十七日奉前任總漕馬部院牌  
開康熙二十七年九月十九日准戶部咨爲報  
銷康熙十二年等事內開雲南清吏司案呈准  
總漕咨前事查得先經准倉監督席特庫呈稱  
鳳陽縣每年應解准倉麥折銀三十六兩自順  
治十四年起至康熙十七年止從前各官俱未



徵解迨十八年該縣知縣丁耀祖到任始行查  
出舉報解倉銀二百一十六兩麥二百七十石  
等因本部以鳳陽縣節年漏報銀兩從前因何  
不行查報行令總漕確查明白報部去後今該  
督馬世濟造冊咨覆前來查冊稱順治十四年  
起至康熙九年止內康熙六年徵完銀二十五  
兩二錢解交淮庫其餘俱係未徵未解康熙十  
年十一年徵完銀七十二兩見今存貯縣庫康  
熙十二年徵完銀三十六兩已經解交司庫康  
熙十三十四十五十六十七年共徵完銀一百

八十兩俱解交淮倉等語查自順治十四年起  
至康熙九年止不行徵解銀兩併康熙六年少  
徵銀一十兩八錢應作速追完報部其徵完解  
貯銀五百二十九兩二錢麥二百七十石應折  
銀同銀兩俱行解部其漏報錢糧各官併不行  
查出之巡撫司道均應逐一查明

題叅到日再議可也等因到部院准此擬合就行  
爲此牌仰該司查照部咨事理即將鳳陽縣自  
順治十四年起至康熙九年止不行徵解銀兩  
併康熙六年少徵銀一十兩八錢作速追完報

部其徵完解貯銀五百二十九兩二錢麥二百七十石行催折銀同銀兩俱行解部其漏報錢糧各官逐一詳查回報覈奪具題毋遲等因遵行在案今該本司道會查得鳳陽縣節年麥折一案奉部文開查一起解淮倉銀麥應令該倉作速折銀一併解部等因查該縣康熙十年十一年并十三年至康熙二十六年止共起解淮倉銀四百六十八兩麥二百七十一石奉檄續准部咨備移該倉折銀解部應聽該倉徑行詳報院臺起解外一奉部查銀麥追完

報部等因案查先奉部文開查順治十四年起至康熙九年止不行徵解并康熙六年少徵銀一十兩八錢作速追完報部等因行據該縣詳稱麥折銀兩乃於丁地內徵收扣解之項從前經徵接徵各官未經徵解拖欠在民等情當經前司又經備行鳳陽府縣遵照部文嚴追速解去後茲本司於本年八月初三日甫任又遵經節催今據鳳陽府并鳳陽縣文報查順治十四年起至康熙九年止帶徵清河縣麥折并康熙六年少徵共銀四百七十八兩八錢填具批文



差員王際昌於康熙二十八年八月二十二日  
解赴淮倉交納訖等因申報前來查前銀係屬  
漕項錢糧既據府縣申報差員徑解淮倉交納  
亦應統聽該倉彙批解部一奉部查從前漏報  
各官及不行查出之巡撫司道等官作速  
題叅等因敢不祇遵檢閱積案司道原無議開巡  
撫衙門職名之例案經陞任鄭前司詳奉本部  
院暨安撫都院仰遵部文將前院職名開示下  
司遵將從前撫司道府縣各官職名到任離任  
卸事起止年月日期逐一挨序備造清冊呈送

本部院鑒覈具兩交  
題并祈院臺俯念前銀已解淮倉交納而從前去  
任各官事在屢奉

恩赦之前歷今二十餘載多係事故應否於疏內  
題明仰邀免議等因又據監督淮安關倉分司禮  
部郎中蔣弘緒詳稱據鳳陽縣知縣趙璠差員  
王際昌解交順治十四年起至康熙九年止并  
康熙六年少解銀一十兩八錢共銀四百七十  
八兩八錢照數解交前來又查康熙十年起至  
康熙二十六年止內除康熙十二年分銀三十

六兩業經安徽布政司解部不開外其解交淮倉折色共銀四百六十八兩本色麥二百七十石每石折銀五錢共銀一百三十五兩俱該本司於康熙二十八年九月初五日差役張尚炯解赴戶部交納外理合造具清冊呈詳本部院

嚴查覈咨

題各等因到臣該臣看得鳳陽縣節年麥折銀兩一案部文行查自順治十四年起至康熙九年止不行徵解并康熙六年少徵銀兩作速追完其徵完解貯銀兩麥石折銀同銀兩解部其漏報錢糧各官并不行查出之巡撫司道逐一查明

題參經前總漕臣馬世濟准到部文檄行安徽布政司江安糧道准倉分司遵照去後續因各司道詳報不實又經前總漕臣馬世濟將布政使鄭端等怠玩職名題參臣又疊經行催今據安徽布政使佟國佐江安糧道參政周訓成會同將從前漏報及不行查出之巡撫司道府縣各官職名備造清冊詳報又據監督淮倉郎中蔣弘緒詳將該縣完解



節年銀兩并麥石折銀同銀兩一併解部緣由亦造具清冊各呈詳前來臣查鳳陽縣順治十四年起至康熙九年止漏報銀兩已經完解該倉其自康熙十年起至二十六年止解交該倉折色銀兩并本色麥石俱經該監督將麥石折銀同銀兩差役張尚燭解赴戶部交納在案臣又查從前不行查出各官巡撫則係前漕撫臣蔡士英亢得時鳳陽撫臣林起龍張尚賢安徽撫臣張朝珍等也從前歷任安徽布政司則係降調布政使陳培禎病故布政使徐爲卿降調

布政使崔澄病故布政使王鏐署司事江安糧道革職叅政李聖翼解任布政使金鉉署司事江安糧道革職叅議周亮工丁憂布政使法若真署司事江南驛鹽道終養副使王功成陞任布政使徐國相等也從前歷任江安糧道則係革職病故叅政韋成賢病故叅議范廷元革職叅政吳大壯署道事病故布政使徐爲卿署道事病故池太道劉三章革職叅政李聖翼革職叅議周亮工署道事江寧府林致知府張際龍病故叅政范廷元等也又從前歷任鳳陽府各

督漕疏草 卷之十六  
官則係休致知府李以易署印本府革職同知  
宋弘道正法知府周燦署印本府降調通判曹  
大生降調知府戴斌革職知府陳寅署印本府  
降調同知高之章休致知府塗騰茂降調知府  
劉應中等也至鳳陽縣不行徵解從前歷任各  
官則係休致知縣柯汝芝署印鳳陽府休致經  
歷李榮春病故知縣林方颺署印丁憂潁州州  
同薛爾賓革職知縣吳之鏞署印壽州革職州  
同李馨奎革職知縣楊鴻潤等也除原冊送部  
查覈外臣謹逐一開列具疏

題叅再查從前去任各官事在屢奉

恩赦以前歷有年歲多係事故應否仰邀免議合聽  
部覆至原准部文註語未經全開無憑叙入相  
應一併聲明伏乞

勅部議覆施行康熙二十八年九月二十六日  
題



題泗州衛運弁掛欠米石一案查追逾限  
題爲循例詳請發南追比漕欠以完

國儲事康熙二十八年五月初七日准戶部咨開  
雲南清吏司案呈奉本部送戶科抄出本部覆  
總漕馬世濟題前事等因康熙二十八年閏三  
月初三日題本月十八日奉

旨該部察議具奏欽此欽遵於本月十九日抄出到  
部該臣等查得原任總漕馬世濟疏稱泗州衛  
守備陳謀承追未完康熙二十年分運官聶君  
培掛欠漕米五千四百四十石五斗零內在通

餘米抵完五十二石一斗四升又旗下李從書等共完米四十九石一斗四升仍未完米五千三百三十九石三斗零已運通全完守備陳謀原叅之案例應開復等因前來咨查倉場侍郎回稱聶君培原掛欠康熙二十年漕米內尚掛欠米八十八石六斗六升零等語則守備陳謀原叅之案不便開復相應仍令總漕查明具題到日再議可也康熙二十八年四月十四日題本月十六日奉旨依議欽此抄部送司奉此相應移咨爲此合咨前

去查照本部覆奉

旨內事理欽遵施行等因咨移到臣當卽檄行江安糧道遵照在案該臣看得泗州衛守備陳謀承追康熙二十年分運官聶君培掛欠漕米全完經前任總漕臣馬世濟具

題開復部議尚有掛欠米八十八石六斗六升零守備陳謀不便開復行臣查明具題到日再議臣遵檄行江安糧道確查在案續據江安糧道叅政周訓成詳稱掛欠米石泗州衛設法買補墊完俟新運搭解緣由前來臣查掛



欠米石雖稱墊完猶恐虛規當經批駁該道查  
取無悞搭運印結去後又經行催迄今限期已  
限逾並未呈送印結俟催取至日另疏具奏餘  
題外則江安糧道叅政周訓成怠玩之咎臣不敢  
為之寬也相應

題叅伏乞

勅部議覆施行康熙二十八年九月二十六日全宗

題

奏銷東昌德州二十六年實徵鹽鈔行糧

題為察覈通庫收支錢糧以清混冒事切照漕項

錢糧例應年終

奏銷案准戶部咨開各省漕項彙入一疏查算甚

嚴屬繁劇嗣後各糧道所屬錢糧俱各分疏具

題等因奉

旨欽遵在案今照康熙二十七年起運二十六年分

漕項錢糧除浙江江安湖南山東蘇常湖北六

糧道鳳陽淮安徐州臨清四倉司各冊臣已分

疏具

題至東昌府徵解鹽鈔銀兩并德州實徵行糧銀  
米各冊俱係隨山東糧道所送之冊併  
奏銷前因該府州冊報不符批駁去後屢催未到  
經臣將署東昌府事濱樂分司劉沛引德州知  
州許嗣國具疏

題叅臣隨將山東糧道  
奏銷各冊先行繕疏具  
題并於疏內聲明外催據署東昌府事濱樂分司  
劉沛引德州知州許嗣國各造冊呈報前來該  
臣看得康熙二十七年  
起運二十六年分東昌

府除荒實徵鹽鈔銀六百六十五兩七錢四釐  
零現存貯庫候解又德州冊開除荒實徵行糧  
折色銀一千六百六十五兩四錢一分五釐零  
內解德州倉銀一千二兩一錢七分五釐零支  
給官丁銀五百六十七兩八錢四分存庫候解  
銀九十五兩四錢實徵行糧本色米二千八十  
石六斗一升三合零內解德州倉米一千九石  
一升三合零支給官丁米一千三十三石二斗  
存倉候解米三十八石四斗各造具解給存貯  
清冊前來除原冊送部查覈外相應具



題伏乞

勅部覈覆施行康熙二十八年九月二十六日并

題

題報會勘儀閘回署日期

題爲恭報微臣會勘儀閘回署日期仰祈

睿鑒事康熙二十八年九月初七日准工部咨爲漕

白經由要津等事覆總督河臣王新命

題北新洲原係江心長成之沙洲今欲挑挖未經

試驗糧艘皆由一閘經行未見阻滯儀真河路

并四閘暫停興修等語但儀真閘河關係運道

民生今若照該督所

題暫停使各省漕船盡由瓜洲一閘進口勢必長

江內漕船頂阻守候以致遲悞亦未可定應請

勅下總河總漕江南江西總督會同確勘定議具  
題到日再議可也等因康熙二十八年八月十五  
日題本月二十一日奉

旨儀真河閘關係運道着河道總督會同江南江西  
總督漕運總督詳閱定議具奏欽此欽遵抄出  
到部擬合就行爲此合咨前去查照本部覆奉  
旨內事理欽遵施行等因移咨到臣臣當移會總河  
臣王新命總督臣傅臘塔訂期會勘臣於九月  
二十七日起行業經  
題報在案隨於九月三十日抵儀當同總督臣傅

臘塔總河臣王新命齊集會勘其所勘情形現  
經總河臣王新命會同督臣及臣等另疏具

題外臣於十月初三日回署料理新運所有微臣  
回署日期相應具疏

題報伏乞

睿鑒施行康熙二十八年十月初四日

題



題胡簡亮被盜疎防文武職名

題爲沐邑莊村被劫特叅疎防文武各官事康熙

二十八年九月十二日據江蘇按察司按察使

高承爵詳爲呈報事本年四月十二日奉總漕

董部院牌開四月初三日據沐陽縣申據典史

鈕如霖呈稱據王家莊鎮保正盧士俊都長史

有報稱據本鎮監生胡簡亮家人胡易報稱於

閏三月二十四日黑夜二更時分有盜十餘人

塗面裹頭明火執杖持刀入室砍傷僕女家財

首飾衣物打劫一空查明實係六人理合呈報

等因轉報到部院據此爲照地方遇有失事而文武各官例應當時率領兵快救援擒捕一面將上盜情形盜賊數目劫去財物逐細開明照例通報今胡簡亮家於閏三月二十四日被盜該管文武各官何無救援據稱有盜十餘人既見塗面裹頭則盜數已確何又開寔係六人至失去首飾某件輕重若干某衣服係何顏色是紬是緞必須逐件細查開明以爲日後起賊認識今文內金銀首飾並無輕重數目且開盤金衫四件裝花衫四件盤金裙四條並不註明是

紬是緞又各樣紬裙十八條亦未開是何顏色種種朦混是何情弊總之地方文武官弁平日疎懈不加防範臨時又不救援追擒以致大盜公行任意飽颺貽害地方莫此爲甚除原文抄發外合行嚴駁查叅仰司查照來文黏抄內事理卽將沐陽縣胡簡亮家被盜情形離城若干里盜賊數目執何器械砍傷僕女會否殞命此外有無再傷別人開報失物何不查明官弁兵快何無救援追擒逐一確查并應叅疎防文武各官職名一併詳開通報覈奪會叅等因又奉



總督傅部院稟開康熙二十八年四月據海州  
營遊擊王振遠呈據防守沐陽縣把總陳宗堯  
呈稱閏三月二十五日據監生胡簡亮家人胡  
易呈爲大盜劫殺事內稱本月二十四日黑夜  
二更時分突有強盜十餘人塗面裹頭明火執  
杖持刃入室砍傷僕女家財首飾衣物打劫一  
空因主人遠出不敢隱匿理合具報等情開列  
失單賊物轉報到部院據此爲照胡簡亮家於  
閏三月二十四日夜被盜塗面裹頭明火執械  
肆行橫劫席捲金珠首飾衣物銀兩多賊而去

地方官弁漫無救追殊屬疎縱合行查叅仰司  
卽將胡簡亮家被劫情形盜夥是否止有一十  
餘人單開失賊有無未盡財物盜旣明火執械  
會否傷人致命以及有無焚燒房屋并地方官  
捕不救不追縱盜飽颺各緣由逐一嚴查明白  
開列職名依限通報會叅逸盜飭緝務獲等因  
奉此案照先據淮安府詳稱沐陽縣文稱康熙  
二十八年閏三月二十八日據典史鈕如霖呈  
稱據王家莊鎮保正盧士俊都長史有報爲地  
方事內稱據本鎮監生胡簡亮家人胡易報稱

於本月二十四日黑夜二更時分突有強盜十餘人塗面裹頭明火執杖持刀入室砍傷僕女家財首飾衣物打劫一空身當卽同鄰佑查明寔係六人事干地方不敢隱匿理合呈報又據胡易係胡監生家人呈爲大盜劫殺事本月二十四日黑夜二更時分突有強盜十餘人塗面裹頭明火執杖持刀入室砍傷僕女家財首飾衣物打劫一空因主人遠出不敢隱匿理合呈報伏乞批差緝獲追賊正法以安地方等情計開劫去財物文契一捆珠冠一頂翠冠一頂珠

花四對珠鳳一對金珠橫簪二枝金冠簪六對金橫簪二枝金鐲一副金墜十一副金耳環四副金纍絲戒指六副銀鐲一副銀花橫簪二枝銀纍絲戒指五副緞皮襖二件緞衫四件牛郎綉衫一件寧綉衫一件盤金衫四件各樣綉裙十八條裝花衫四件盤金裙四件紅綠綉夾衫八件綉褂六件紗衫二件紗裙四條布褂八件銀一百八十兩據此理合呈報等情到縣據此緣卑職奉院批委署理海防同知印務於本年三月二十二日前赴廟灣徵比蘆課錢糧將本



督漕疏草 卷之十六  
縣事務暫令典史鈕如霖董理今據前情除一  
面飭令嚴訊地鄰并上緊追捕外理合申報各  
等情移報到府據此該卑府隨卽具文通報總  
督總漕江撫三部院并本司淮揚道外一面駁  
行營縣并軍捕廳確查上盜情形盜賊確數及  
取文武疎防各職名詳報去後於四月初六日  
蒙前署淮揚道事淮安府單知府牌准海州營  
王遊擊移稱康熙二十八年閏三月二十八日  
據防守沐陽把總陳宗堯報稱康熙二十八年  
閏三月二十五日未時據遊巡沐陽縣西南路

馬兵王貴李秋報稱身等於本月二十四日遊  
巡至新挑河住宿黎明聞信王家莊胡姓被盜  
緣由到道准此除原移抄黏外合亟飭查等因  
并抄營文一紙到府蒙此又於四月初七日蒙  
總漕董部院牌前事備行到府又蒙前署淮揚  
道牌開本年四月初九日蒙總漕董部院批該  
護道呈詳沐陽縣監生胡簡亮家於閏三月二  
十四日失盜緣由蒙批已據縣文抄發嚴駁該  
道確查矣仰卽遵照駁檄逐一確查明白開列  
職名通詳覈奪以憑會叅繳等因批道行府蒙

此又於四月十四日准署軍捕廳事本府山清  
盱眙河務劉同知牒據沐陽縣申報胡簡亮家  
失盜情由移府准此又於四月十九日蒙總督  
傅部院批據卑府申詳胡簡亮家失盜緣由蒙  
批已據營文檄行江臬嚴查報叅矣仰速飭緝  
真盜務獲究審毋得違縱干咎繳等因批府蒙  
此又蒙本司批據卑府申詳同前事蒙批胡簡  
亮家盜劫多賊該地方官弁全無防禦又不追  
擒疎忽殊甚仰將文武疎防各職名開列報叅  
仍勒緝真盜真賊審解繳等因批府蒙此又蒙

淮揚道牌蒙江撫洪都院票開據海州營遊擊  
王振遠呈報沐陽縣監生胡簡亮家於閏三月  
二十四日夜被盜明火執杖持刀入室砍傷僕  
女打劫衣物首飾緣由到院據此合行飭查爲  
此仰道卽將胡簡亮家被盜強劫情形夥賊確  
數立速查明開列應叅疎防職名限文到半月  
內通詳會叅仍嚴比捕役躡緝逸盜務獲另報  
等因行道仰府蒙此該卑府隨經節次移行營  
廳縣確查并取疎防文武各官應叅職名及勒  
緝真盜審解去後又准海州營王遊擊手本移



稱查得胡簡亮家被盜一案專訊係防沐把總  
陳宗堯兼轄係海州營遊擊王振遠也相應移  
覆等情准此又據沐陽縣詳稱該卑縣知縣時  
發隨拘地鄰都保事主到案逐一研審問胡易  
你是胡簡亮的甚麼人他爲甚麼不來你來替  
他代報呢他家失去的東西金銀首飾數目輕  
重紬緞衣服係何顏色離城若干里被盜的情  
形夥盜的確數逐一從實供來據供胡簡亮是  
小的主子爲因

欽件官司上府去了不在家向在王家莊鎮住離城  
十五里閏三月二十四日夜被盜亂烘烘的裏  
外看不真切主母叫小的上縣報十餘人屋裏  
實是六個人主母只說外邊還有巡風的故報  
了十餘人保正在後同隣佑查問確數主母說  
屋裏是六個人收拾東西的幾個丫頭都跟着  
主母不曾離主母問丫頭外邊還有人沒有丫  
頭說外頭沒有人巡風主母說屋裏却是六個  
人沒有多人保正同隣佑查明來報六個人的  
強盜從西園墻扒進天井裏丫頭點火出來照  
強盜就隨着進去拿的是一根鎗一根鋼四根

棍臉上抹些灰把帽子抹在齊眉把一個丫頭名叫慶雲砍了一鎗砍的傷輕如今好了別沒有傷人又把主母拿着打了幾棍外邊有人攻主母叫不要攻強盜就把東西收拾去了看門是鄭華有病還有倪古王季孟大王富在前看門賊就從後邊進來了主母在家內失去東西是主母叫先生開的把與小的來報的金銀首飾輕重數目衣服顏色如今又開單帳在這裏東西主母都知道小的不能知道計單開文契一捆珠冠一頂翠冠一頂珠花四對珠鳳一對

金珠橫簪二枝重一兩四錢金冠簪六對重二兩四錢金橫簪二枝重一兩二錢金鐲一副重三兩二錢金墜十一副重一兩二錢金耳環四副重三錢二分金纍絲戒指六副重七錢二分銀鐲一副重四兩銀花橫簪二枝重一兩六錢銀纍絲戒指五副重七錢二分緞皮襖二件是石青光素羊皮女襖一件天藍花緞羊皮男襖一件緞衫四件石青單緞衫二件茨紅緞夾衫一件元青緞夾衫一件牛郎袖天青夾衫一件寶藍寧袖夾袖衫一件盤金夾衫四件大紅縐



紗二件石青縐紗一件元色縐紗一件各樣紬  
裙十八條深紅色四條深綠色花裙二條淺綠  
色三條灑墨花金鑲邊四條淺玉色五條裝花  
夾衫四件大紅紬一件石青紬二件元色紬一  
件盤金裙四條紅縐紗二件白綾二件紅綠紬  
夾衫八件深紅湖縐二件淺紅紬二件深綠紬  
二件淺綠綾紬二件紬褂六件玉藍一件白紬  
二件紅紬三件紗衫二件元青一件沙綠一件  
紗裙四條銀紅二條玉藍二條女布褂八件京  
藍四件京青四件銀一百八十兩北隣張敦吉

西隣凌二汗東隣鮑雲山保正隔着一里多路  
都長隔着七八里路保正來救護賊去了小的  
們喊叫救護主母恐傷命叫不要叫喊賊從大  
門出來帶着主母送路推倒主母賊都往西南  
去了主子家幾個家人都在前頭看夜家裏都  
是女人問盧士俊你是一鎮保正胡簡亮家被  
盜你爲何不去救援呢據供聞三月二十四日  
黑夜有賊胡家沒有喊叫只聽狗咬的很小的  
驚覺起來帶人去救護賊已出去了小的帶人  
往西南趕的賊是六個人有失主與倪古知道

倪古他們是打更的賊是從西園牆扒進去到天井裏進了主房把九娘拿住打更的人易文盛與倪古往裏攻九娘說不要攻賊就把東西拿去了二十四日夜失盜二十五日晌午報的小的到胡九娘家他說我給你個報呈去報查明是六個人小的纔來報的從牆上扒進來的沒有明火賊拿的一根短鎗四條棍一根鎗是倪古看見說的丫頭子頭上打了一下沒有傷別人他家沒有多人止有鄭華病了有王季王富孟夫俱在前邊守夜賊出仗是從大門出去

的問倪古你是胡簡亮家住人又替他打更賊是怎麼進來的據供聞三月二十四日半夜時候失盜的小的們幾個人在前頭看夜只聽天井裏喊說拿住人叫不要往裏攻不知是多少人臨出伏在大門外強盜把家婆架着黑夜裏小的看見六個人家婆看見家裏有六個人只說外邊還有人沒有查清就叫胡易來報的賊是西園牆扒進去打巷子裏進去的賊拿的是

一根鎗一根鎗丫頭說是三楞子明晃晃的別的是棍臨去賊丟下一根桃棍家裏丫頭燒火



齊東野語 卷之十六  
燒了丫頭護家婆賊把丫頭打了一鎚打了一  
個口子如今好了賊是扒牆過來的沒有明火  
有一個手中裹頭小的在大門口賊把家婆架  
着送路到西南路上纔丟下的小的帶人趕的  
黑夜不知去向就回來了問王富你是胡簡亮  
家人盜從那裏進去的呢據供強盜上仗人都  
進天井裏小的在外喊把小的打了一溜子在  
肩膀上打慌了就掩在鍋棚子裏邊出仗時丫  
頭子把家婆圍住小的不知幾個賊是從西園  
打巷子裏進來的問凌二汗你是胡簡亮隣佑

爲何不去救護呢據供小的隔着胡家三里路  
在西邊胡家失盜天亮纔曉得的他現有緊隣  
小的不知強盜怎麼來的也不知是幾個人問  
孟大你是胡簡亮家住人賊從那裏來的爲何  
不上緊救獲呢據供小的是住人閏三月二十  
四日主人失盜的西邊是個空園賊從園牆扒  
進去的賊把主母拿住有了頭圍住小的不知  
幾個賊小的在外救護主母叫站開賊就把主  
母帶着送路拿的器械丫頭說一根鎗四根棍  
一根鎚問王季你是胡家人主人失盜爲何不

上緊救護呢據供二十四日夜裏小的在前邊看夜只聽說家裏有賊拿住主母賊從西園空地扒牆過來的丫頭說是六個人拿着一根鎗一根鋤四根棍出仗帶着主母送路到西南路上纔放下的小的們往西南上趕了一回趕不上纔回來的問史有你是個都長每日要你去稽查巡夜爲何不去巡夜救援呢據供小的隔着胡家十里多路天亮纔查到那裏強盜是六個人拿的是一根鎗一根鋤四根棍從西園牆進去的手巾扎頭都是他家人說的陳把總鈕

典史都下去查的失盜是真各等情供吐在案該本縣知縣時發審看得監生胡簡亮家離城十五里於閏三月二十四日夜失盜因內外喧嚷婦人不知外邊有無餘賊混開十餘名卽着家人胡易呈報到縣及後細查而門內實止六人門外並無餘賊衆口一詞鑿鑿可據當日守夜之人倪古等意欲救援因賊捉拿主母恐其傷害故任其颺去查賊從西牆扒進後從大門而出原未明火似無焚房之事砍傷僕女見今平復此外並無被傷之人其失物見有單開首



飾輕重衣服顏色等項前經報明在案是疎防  
職名係沐陽縣典史鈕如霖也除一面嚴比捕  
役上緊四路追緝外擬合審取確供連人報解  
等情到府該卑府審供無異致該看得胡簡亮  
家於康熙二十八年閏三月二十四日二更時  
分有強賊六人塗面裹頭各執器械扒牆進院  
當有婢女點火出視被賊鎗打隨跟入房拿住  
簡亮之妻搜劫銀兩衣飾復從大門而出又將  
亮妻押架送路衆僕恐傷主母不敢喊鳴是以  
隣佑不及救護迨後知風趕至而賊已遠遁無

跡並未明火自無焚燒房屋打傷婢女今已平  
復並未再傷別人失單之外亦無未盡財物審  
得僕人胡易並孟大等所供出入情形夥賊確  
數歷歷不爽其報呈內所稱有盜十餘人又開  
實係六人蓋當夜進房者原止六賊亮妻恐有  
餘賊在外把風懸揣其數令其呈報故爾多寡  
互異似無以多報少情弊總之真盜未獲確數  
難以預定其首飾之輕重與衣服之紬緞顏色  
俱以另單開明至疎防文職捕官係典史鈕如  
霖印官係沐陽縣知縣時發府捕係署軍捕廳

事山清旰胎河務同知劉暉也卑府不係同城職名例應免開武職嵩汛係防沐把總陳宗堯兼轄則係海州營遊擊王振遠也其王家莊離城十五里相應聲明除一面移行營廳縣勒緝真盜究審外今將疎防文武各官應叅職名并審過胡易等所供上盜情形相應具文先行詳報等情又准淮揚道關稱查得胡簡亮失盜一案報蒙院批查明當經備行淮安府確查詳報去後今據該府詳稱胡簡亮家於本年閏三月初二十四日二更時分上盜情形贓物數目并稱

原呈報稱有盜十餘人今開實係六人蓋當夜進房者原止六賊亮妻恐有餘賊在外把風懸揣呈報故爾多寡互異總因真盜未獲難以預定等情同疎防文武職名開報前來除俱備載府詳毋容復贅外惟此案兼轄淮揚道職名則係護道事淮安府知府單務孜也等情到司准此該本司高按察使查看得沐陽縣監生胡簡亮家於康熙二十八年閏三月二十四日夜被盜一案移行道府查覆前來當夜被盜六人塗面裹頭各執器械扒牆進院打傷婢女復拷簡



亮之妻搜劫衣飾銀兩從大門而出押令亮妻  
送路斯時眾僕恐傷主母不敢喊救迨後趕追  
賊已遠颺並未明火以及焚房其打傷僕女今  
已平復當夜進房原止六賊亮妻疑有餘賊在  
外把風懸揣其數故爾呈內互異等情并開疎  
防各職名詳覆前來則是此案上盜情形失賊  
確數供報鑿鑿其爲大盜行劫無疑但盜夥實  
數應俟嚴督勒緝獲日審明另報其疎防文職  
捕官則係沐陽縣典史鈕如霖印官則係沐陽  
縣知縣時發并署軍捕廳事山清旰貽河務同

知劉暄兼轄淮揚道則係護道事淮安府知府  
單務攷武職專汛則係防汛把總陳宗堯兼轄  
則係海州營遊擊王振遠也查淮安府知府不  
係同城職名例應免報相應詳候院奪等因到  
臣該臣看得沐陽縣離城十五里王家莊居民  
胡簡亮家於康熙二十八年閏三月二十四日  
夜被盜一夥塗面裹頭各執鎗鎗扒墻進院打  
傷婢女捉拿簡亮之妻搜劫銀兩服飾仍架亮  
妻送路由門而去失主呈報地方官轉報到臣  
臣隨經批行確查被盜情形并開疎防文武各

督漕疏草 卷之十六 三  
職名通詳報叅去後今據江蘇按察司按察使  
高承爵詳雖稱此案盜止六人但確數應俟緝  
獲審供爲憑打傷僕女今已平復所有疎防文  
職捕官係沐陽縣典史鈕如霖印官係沐陽縣  
知縣時發總捕係署淮安府軍捕事本府山清  
盱眙河務同知劉暄兼轄乃護淮揚道事淮安  
府知府單務孜也知府不係同城免開職名武  
職耑汛係海州營把總陳宗堯兼轄乃海州營  
遊擊王振遠也旣據該司呈詳前來臣謹會同  
江南江西總督臣傅臘塔江寧巡撫臣洪之傑

江南提督臣楊捷合詞

題叅再照臣於本年四月初一日莅任合併聲明  
伏乞

勅部議覆施行康熙二十八年十月初四日

題



題承催長洲縣二十二年裁扣銀兩限滿  
題爲飭催裁扣減存銀兩事據江安糧道叅政周  
訓成詳稱奉前任總漕馬部院牌開康熙二十  
七年十月初一日准戶部咨開雲南清吏司案  
呈奉本部批吏科抄出總漕馬世濟題前事康  
熙二十七年八月初十日題九月初一日奉  
旨胡世威等着議處具奏該部知道欽此欽遵於本  
月初八日吏部將原抄咨送到部查得總漕馬  
世濟疏稱長洲縣未完康熙二十二年分裁扣  
銀三百三十一兩二錢一年限滿毫無完解所

有承追蘇州府原叅知府胡世威長洲縣知縣  
徐弘炯接署蘇州府督糧同知姚應鳳接署崇  
明縣縣丞劉邦煒等怠玩職名開列  
題叅前來相應將知府胡世威知縣徐弘炯等交  
與吏部議處未完銀兩作速追完報部可也等  
因到部院准此擬合就行仰道卽將長洲縣未  
完康熙二十二年分裁扣銀兩速行追完詳報  
以憑咨覆毋得遲違等因到道奉此遵卽轉行  
蘇州府催解去後又復計日嚴催今據該府詳  
稱該職府遵查得長洲縣未完康熙二十二年

分裁扣共銀三百三十一兩二錢稔知奉部駁  
追緊項例有定限凜奉督催罔敢稍懈無奈該  
縣官役一任嚴駁追解籤檄交提督催至再仍  
無釐毫完報迄今部限屆滿除一面勒追完解  
并提該縣經承解道究比外合將該縣見任知  
縣劉玠承追不力職名先行詳請轉報覈叅等  
因到道據此該本道查得長洲縣未完康熙二  
十二年分裁扣銀三百三十一兩二錢內應補  
給興武十二幫見運行月銀三十六兩又應解  
部銀二百九十五兩二錢以上共符部催之數



奉行以來竭蹶催提不遺餘力迄今叅後一年  
定限已滿毫無完解除一面嚴駁催追外所有  
承追復叅蘇州府知府胡世威初叅長洲縣知  
縣劉玠均難辭怠玩之咎相應開列職名詳報  
伏候本部院亟賜

題叅等因到臣該臣看得長洲縣未完康熙二十  
二年分裁扣銀三百三十一兩二錢經前總漕  
臣馬世濟因限滿

題叅部覆行令作速追完報部等因當經前總漕  
臣馬世濟准咨之日卽檄行江安糧道作速催

追去後復又嚴催今據該糧道叅政周訓成詳  
稱迄今叅後一年定限已滿毫無完解將復叅  
初叅各職名開列詳報前來則復叅蘇州府知  
府胡世威初叅長洲縣知縣劉玠等怠玩之咎  
臣不能爲之寬也相應

題叅伏乞

勅部議覆施行康熙二十八年十月初四日

題

咨題承追蘇大等衛多給料價無完職名

題爲敬陳漕船限滿亟請補造濟運事據護理蘇  
常糧道事蘇州府知府胡世威詳稱奉臣牌開  
康熙二十八年四月初一日准戶部咨開雲南  
清吏司案呈戶科抄出總漕馬世濟題前事康

熙二十八年二月十八日題三月十一日奉

旨林世昌等着議處具奏該部知道欽此欽遵於本  
月十二日抄出到部奉此查得總漕馬世濟疏  
稱蘇太等衛造過漕船一百八十隻多給料價  
銀五千六百八十七兩零嚴催抗無完報則承



追不力之蘇州衛守備林世昌太倉衛守備李成喬鎮海衛守備周天象金山衛守備趙光宗鎮江衛守備許鵬接追署印千總王祥接追掌印守備徐經息玩之咎不敢爲寬相應  
題參等因前來應將蘇州衛守備林世昌等交與兵部照初參例議處銀兩作速追完報部又疏稱鎮江衛署印守備殷璉接追不及一月應否免議合聽部覆等語查殷璉署印不及一月應毋容議者也爲此合咨前去查照施行等因移咨到部院備行到道奉此案經轉行蘇太鎮金

山鎮江各衛追完解報去後節次嚴催抗無完報今又奉本部院牌前事內開康熙二十八年八月初一日准戶部咨開雲南清吏司案呈查得先經總漕董訥咨稱蘇太等衛二十六年造過漕船一百八十隻多給料價銀五千六百八十七兩六錢九分零限滿無完已經原任總漕馬世濟將蘇松糧道錢捷

題參於康熙二十七年十二月十五日准咨又將承追不力之蘇州衛守備林世昌等  
題參於康熙二十八年四月初一日准咨前後部

文總屬一事統請於二十八年四月初一日奉  
文之日爲始行追本部以承追錢糧各有限期  
不便俱於四月初一日爲始行令該督作速追  
完如仍不完各照原限

題參去後今總漕董訥咨稱凡未完錢糧參案俱  
要分別初參復參字樣此案應照何例具

題請祈部示等因前來查守備林世昌等於二十  
八年四月初一日奉文爲始如限滿不完應照  
原參例具

題至糧道錢捷已經休致應毋庸議其接催之官

以到任之日爲始如限滿不完應照初參例  
題參可也等因轉行下道該本署職查得康熙二  
十六年成造漕船找給料價銀五千六百八十  
七兩零前奉部文駁追而各衛抗無完報業經  
前道將未完職名詳報

題參議處在案今此案又經逾限本護道仰遵部  
文日事嚴催而各衛仍無完報則怠玩之咎不  
能爲蘇州衛原參守備林世昌太倉衛初參守  
備金鉉鎮海衛初參署印守備殷璉金山衛原  
參守備趙光宗鎮江衛原參守備徐經等寬也



相應分別叅報至初叅護理蘇松常鎮督糧道  
事蘇州府知府胡世威於康熙二十八年四月初一日到任接催亦已逾限合并開報聽候院奪一併

題叅等因到臣該臣看得蘇太等衛造過漕船一百八十隻多給料價銀五千六百八十七兩零前因限滿無完經前總漕臣馬世濟將蘇州衛守備林世昌等怠玩職名

題叅議處部覆銀兩作速追完報部等因當經臣檄行蘇常糧道遵照去後屢經嚴催今據護理

蘇常糧道事蘇州府知府胡世威詳稱找給料價銀兩又經逾限仰遵部文日事嚴催而各衛仍無完報將原叅初叅各職名并初叅護理道事蘇州府知府胡世威職名一併開報前來則蘇州衛原叅守備林世昌太倉衛初叅守備金鉉鎮海衛初叅署印守備殷璉金山衛原叅守備趙光宗鎮江衛原叅守備徐經等怠玩之咎臣不敢爲之寬也相應

題叅至初叅護理道事蘇州府知府胡世威於康熙二十八年四月初四日到任接催亦已逾限合

督漕政草 卷之十六  
併指叅再照此案前因限滿經臣將護理蘇常糧道事蘇州府知府胡世威怠玩職名具疏題叅在案一併聲明伏乞

勅部議覆施行康熙二十八年十月初八日題

題駁追淮屬倉折銀兩無完各職名題為淮揚災患非常殘黎困苦至極仰懇睿慈亟賜賑濟破格蠲緩以保民命以培

國本事據江蘇布政司布政使李國亮詳稱奉前任總漕馬部院牌開康熙二十七年十月十七日准戶部咨開雲南清吏司案呈戶科抄出總漕馬世濟題前事等因康熙二十七年九月初一日題本月二十一日奉

旨該部知道欽此欽遵於本月二十二日抄出到部查得先經原任總漕慕天顏疏稱淮屬規報完



督漕疏草 卷之十六  
康熙元年起至六年止各倉銀三萬五百一兩  
二錢四分零限滿無完將邳州離任知州黃日  
煥等

題叅本部以內有接追邳州知州孫居湜清河縣  
接追知縣管鉅宿遷縣接追知縣祖寅亮俱到  
任未滿一年行令俟一年限滿不完

題叅去後今該督馬世濟疏稱除接追邳州知州  
孫居湜尚未滿一年應俟限滿另行

題叅外所有接追清河縣知縣管鉅宿遷縣知縣  
祖寅亮限期已屆仍無完報難辭承追怠玩之

咎等因造冊

題叅前來相應將清河縣知縣管鉅宿遷縣知縣  
祖寅亮交與吏部議處未完銀兩作速追完報  
部可也爲此合咨前去查照施行等因移咨到  
部院准此擬合就行仰司卽將接追邳州知州  
孫居湜俟一年限滿速詳補叅其承追未完銀  
兩作速追完詳報以憑咨覆毋違等因到司奉  
此隨經錢署司轉行淮安府督追去後本司復  
又屢檄行催玩無追報除邳州未完銀兩已經  
照例詳叅奉有部覆外今該本使司查得清河

縣原報未完康熙二二二五六年各倉米麥折  
共銀二千一百七十七兩三錢七分六釐二毫  
六絲一忽五微一纖五沙八塵八渺又宿遷縣  
原報未完康熙二三四五六年各倉米麥折共  
銀八千九百七兩八錢七分一釐九毫八絲自  
康熙二十七年十月十七日奉文起連閏扣至  
康熙二十八年九月十六日一年限滿今已屆  
期尚無完報相應遵照部文查將正署各官職  
名照例造具年限清冊呈送伏候院臺覈奪  
題叅再查宿遷縣革職知縣祖寅亮自康熙二十

七年十月十七日奉文起至十月二十五日摘  
印離任止計九日署事本府宿虹同知李言自  
康熙二十七年十一月十五日署事起至十二  
月十三日交代離任止計二十九日接署安東  
縣見任知縣許同文自康熙二十八年正月初  
二日接署起至四月二十四日卸事止計四個  
月二十三日接追見任知縣李遇桂自康熙二  
十八年四月二十六日到任起至限滿日止計  
四個月二十一日以上各官俱未滿一年之限  
合并聲明聽部議奪等因到臣該臣看得部文



駁追淮屬未完康熙元年起至康熙六年止倉折漕項銀三萬五百一兩二錢四分零一案前因限滿無完經前總漕臣馬世濟將清河縣知縣管鉅等題叅議處部覆未完銀兩作速追完報部等因當經前總漕臣馬世濟遵照轉行嚴追臣莅任接管又經檄催今據江蘇布政使李國亮詳稱清河縣并宿遷縣原報未完銀兩今一年限期已屆尚無完報將原叅初叅正署各官職名造冊開報前來則清河縣原叅接追見任知縣管鉅

宿遷縣原叅革職知縣祖寅亮初叅接署淮安府見任宿虹同知李言初叅接署安東縣現任知縣許同文初叅接追現任知縣李遇桂等怠玩之咎臣不敢爲之寬也再照宿遷縣革職知縣祖寅亮署事宿虹同知李言接追未及一月署事安東縣見任知縣許同文接追四個月二十三日見任知縣李遇桂接追四個月二十一日未滿一年之限合併指明均聽部議除原冊送部查覈外相應

題叅伏乞

勅部議覆施行康熙二十八年十月初八日

題

日未嘗一平之司公於此則世雖時新制無冊

三日限到部李殿林林首四階凡二十一

果事支東林日信口支外海洪州民二

繼順實資器事亦其間賦李言節故才式一凡

谷百不厚為之實出再構亦對練草湖快

新開向文廣恭神倉與通小漕李殿林等會

和見計亦與

漕項限滿

題接催蘇松等府二十三年未完漕項限滿

題為察覈通庫收支錢糧以清混冒事據護理蘇

常糧道事蘇州府知府胡世威詳稱案奉前署

理漕務總河王部院牌開康熙二十七年三月

十六日准戶部咨雲南清吏司案呈戶科抄出

總漕慕天顏題前事康熙二十六年十二月十

九日題二十七年二月十一日奉

旨劉梅等着議處具奏該部知道欽此欽遵於本月

與十二日抄出到部奉此查得總漕慕天顏將蘇

松等府康熙二十三年并帶徵十三年分漕項



錢糧已未完數目并道府各官職名造冊具  
題前來查冊開二十三年分原未完銀一萬六千  
三百八兩三錢一分零米麥一萬九千四百九  
十七石六斗二升零內先報續完銀三千三百  
七兩二錢四分零米麥五千三十五石二斗二  
升零今又續完銀一千二百兩仍未完銀一萬  
一千八百一兩六分零米麥一萬四千四百六  
十二石四斗零等語查先報續完銀兩米麥已  
於州縣年限案內行令解部在案應於彼案內  
歸結至今續完銀兩應令速行解部未完銀兩

米麥應令作速催完報部其未完各官內蘇松  
糧道佟成年松江府知府朱雯到任未滿年限  
等語應俟限滿不完

題叅至署蘇松糧道事江鎮道劉梅等相應開列  
職名分數交與吏部議處又冊稱帶徵十三年  
分原未完銀一萬五千四百四十兩八錢四分  
零米麥三千三百六十一石二斗二升零內先  
續完銀二百兩麥一升四合零今又續完銀四  
百八十八兩二錢五分零米八石九斗五升零  
仍未完銀一萬四千七百五十二兩五錢九分

零米麥三千三百五十二石二斗五升零等語  
查先報續完銀兩麥石已於州縣年限案內行  
令解部在案應於彼案內歸結至今報續完銀  
兩米石應令將米石折銀同銀兩解部未完銀  
兩米麥應令作速催完報部此帶徵十三年分  
未完錢糧各官何得混入二十三年分錢糧案  
內

題叅不合應令總漕將帶徵未完各官職名分數  
限文到一月內速行開列補叅可也等因到前  
部院在案今本部院署理漕務檢查前案擬合

就行仰道查照部覆奉

旨內事理即將蘇松等府康熙二十三年并帶徵十  
三年分各先報續完銀兩米麥遵照於州縣年  
限案內解部又今續完銀兩米石將米石折銀  
同銀兩解部至帶徵十三年分未完各官限文  
到一月內速行開列分數職名冊報補叅等因  
奉此該本署職查得奉部行查各款先經前道  
依限詳覆外今查接催康熙二十三年分未完  
銀兩米麥道府各官自康熙二十七年三月十  
六日奉到部文應扣至康熙二十八年八月十



六日止一年半限滿仍未全完相應查明續完  
未完數目計算考成分數併列未完道府係初  
叅護道事淮安府知府單務孜初叅休致督糧  
道叅議錢捷初叅護道事蘇州府知府胡世威  
復叅帶催蘇州府知府胡世威初叅署松江府  
事本府同知李經政初叅署松江府事江寧府  
同知路坦初叅松江府現任知府趙寧初叅署  
常州府事江寧府同知趙世顯初叅常州府被  
劾知府周元宰初叅署常州府事本府通判張  
國輔復叅鎮江府知府王燕各職名開列再查  
前道錢捷已經休致松江府知府趙寧於康熙  
二十七年八月二十五日到任尚未滿年半之  
限應俟限滿之日補叅常州府知府周元宰於  
康熙二十七年七月二十四日到任亦未滿限  
已於別案奉文

題叅摘印先經離任相應逐一聲明統候院臺覈  
明具

題以聽部議等因到臣該臣看得蘇松等府康熙  
二十三年分漕項錢糧已未完數目并道府各  
官職名先經前總漕臣慕天顏具

題部覆將未完銀兩米麥作速催完報部等因經  
前署理漕務總河臣王新命准到部文當卽檄  
行蘇常糧道遵照去後臣蒞任接管又經行催  
今據護理蘇常糧道事蘇州府知府胡世威詳  
稱奉部行查各款先經前道詳覆外今查接催  
未完銀兩米麥道府各官年半限滿仍未全完  
造具續完未完數目分數登荅清冊并將初叅  
復叅職名開報前來所有初叅護理蘇常糧道  
事淮安府知府單務孜初叅休致糧道叅議錢  
捷初叅護道事蘇州府知府胡世威復叅帶催

蘇州府知府胡世威初叅署松江府事本府同  
知李經政初叅署松江府事江寧府同知路坦  
初叅松江府現任知府趙寧初叅署常州府事  
江寧府同知趙世顯初叅常州府被劾知府周  
元宰初叅署常州府事本府通判張國輔復叅  
鎮江府知府王燕等怠玩之咎臣不敢爲之寬  
也相應

題叅再查前任糧道錢捷已經休致松江府知府  
趙寧未滿年半之限俟限滿補叅常州府知府  
周元宰到任亦未滿限已於別案冊



題參離任合併聲明聽部議覆除原冊送部查覈  
外臣謹具

題伏乞查前升繼登發給日錄於其外以昭慎重  
勅部議覆施行康熙二十八年十月初八日

題

示

山

同

隊

職

題開復鳳陽中衛運弁領運全完

題為恭報三次船糧過淮仰祈

睿鑒事據江安糧道叅政周訓成詳稱奉前任總漕

邵部院牌開康熙二十三年三月初八日准兵

部咨武選清吏司案呈奉本部送兵科抄出戶

科外抄戶部題前事康熙二十二年十一月二

十八日題十二月初二日奉

旨依議欽此欽遵抄出到部該臣等議得戶部疏稱

蘇松糧道所屬康熙二十二年起運二十一年

分各幫漕船過淮違限相應將蘇州衛運官李

弘楹等開列職名違限月日交與兵部議處等  
因前來查過淮違限十日者興武衛頭幫領運  
千總張鎔違限十一日者鎮江衛後幫領運千  
總王政溥違限十二日者廬州衛六幫領運千  
總湯輅違限十三日者三幫領運千總謝鵬違  
限十五日者五幫領運千總蔡毅違限二十一  
日者鳳陽右衛頭幫領運千總朱祥違限二十  
三日者滁州衛前幫領運千總陸萬鍾以上各  
員均應照違限十日例令總漕各細打二十違  
限四十一日者鳳陽中衛三幫領運千總張友

心長淮衛頭幫領運千總丁世麒鳳陽衛二幫  
領運千總繆魯治違限四十二日者滁州衛後  
幫領運千總陳天新違限四十三日者淮安衛  
五幫領運千總萬畧違限四十五日者廬州衛  
二幫領運千總張秉衡江淮衛六幫領運千總  
向文明違限四十六日者鎮海衛三幫領運千  
總馬應運違限四十九日者興武衛十四幫領  
運千總陳陞淮安衛二幫領運千總錢養民長  
淮衛三幫領運千總楊烈違限五十日者興武  
衛三幫領運千總盧正華十三幫領運千總徐



德泓大河衛三幫領運千總徐治平違限五十  
二日者江淮衛五幫領運千總宋穀興武衛十  
二幫領運千總金垣四幫領運千總梁獻違限  
五十三日者江淮衛頭幫領運千總陳文煥違  
限五十四日者江淮衛三幫領運千總張士龍  
與武衛十幫領運千總朱英秀帶運金山衛頭  
幫領運千總李震亨二幫領運千總李震亨與  
武衛五幫領運千總孫枝英大河衛二幫領運  
千總王祿違限五十六日者帶運蘇州衛後幫  
領運千總李弘楹違限五十七日者前幫領運

千總李弘楹江淮衛十六幫領運千總張惟一  
十三幫領運千總俞成十幫領運千總羅琦七  
幫領運千總朱俊興武衛十五幫領運千總鄭  
國相六幫領運千總張湛違限五十八日者鎮  
海衛前幫領運千總孫景范後幫領運千總王  
風清江淮衛十一幫領運千總詹瑛違限五十  
九日者帶運太倉衛前幫領運千總孫景范帶  
運後幫領運千總王風清淮安衛頭幫領運千  
總雷祖材儀真衛領運千總雒書江淮衛十二  
幫領運千總杜齊芳違限六十日者揚州衛頭

幫領運千總馮大威泗州衛後幫領運千總黃士爵以上各員均應照違限一月例令總漕各細打四十革職戴罪督押內陳陞已陞廣東潮州鎮標右營遊擊中軍守備詹瑛已陞浙江處州副將右營都司僉書二員均應照例於新任內各罰俸一年杜齊芳已陞真隸蒲河口都司僉書已經病故應無容議可也康熙二十三年二月初十日題本月十二日奉

旨依議欽此欽遵抄部送司案呈到部擬合就行爲此合咨前去煩爲欽遵查照施行等因咨院行

道奉此隨經前道轉行提解去後嗣據各府衛呈解到道俱經發落陸續呈報并請開復在案今據鳳陽中衛申稱據運官張友心呈稱卑職奉單領運康熙二十一年分漕糧過淮違限奉文細打四十革職戴罪督押已蒙發落在案今職領運漕糧俱經照數附搭運官蔡天綬陳禎昌鮑昇三弁幫船內赴北交納全完伏乞轉詳開復等因轉申到道據此該本道看得鳳陽中衛三幫千總張友心領運康熙二十一年分漕糧過淮違限奉



督漕疏草 卷之十六  
旨網打四十革職戴罪督押業經欽遵提解發落具  
報前部院在案今據鳳陽中衛申稱該弁漕糧  
已經照數全完呈請開復前來似與完糧開復  
之例相符相應具文詳請院臺俯將鳳陽中衛  
三幫千總張友心革職戴罪之案具

題開復等因到臣該臣看得鳳陽中衛三幫千總  
張友心領運康熙二十一年分漕糧過淮違限  
一案部議網打革職戴罪督押經前任總漕臣  
邵甘遵照轉行發落去後今據江安糧道叅政  
周訓成詳稱該弁業經提解發落漕糧已經照  
數全完似與完糧開復之例相符詳請前來所  
有千總張友心原叅過淮違限革職戴罪督押  
之案例應開復相應具

題伏乞

勅部議覆施行康熙二十八年十月初八日

題

以

林將蕭恩疏行數限二十人平十日隊入日

在干總張文小恩徐學勤等與其親黨與督賦  
幾全... 與... 督... 前... 來... 訊

題承追泗州衛十四五年丁銀無完職名

題為丁銀限滿無追事據江安糧道叅政周訓成

詳稱奉前任總漕馬部院牌開康熙二十七年

九月十五日准戶部咨雲南清吏司案呈奉本

部送戶科抄出總漕馬世濟題前事等因康熙

二十七年七月三十日題八月十八日奉

旨陳謀着議處具奏該部知道欽此於本月十九日

抄出到部奉此查得先經原任總漕徐旭齡以

泗州衛守備陳謀承追康熙十四十五年分開

丁銀一千一百六十二兩六錢零限滿未完



題參本部交與兵部議處在案今總漕馬世濟疏稱泗州衛守備陳謀承追十四十五年閑丁銀兩一年限滿未完等因具詳請咨部院以題參前來相應將守備陳謀交與兵部議處其銀兩速行追完報部可也等因移咨到部院准此擬合就行仰道即將前項未完銀兩速行追完詳報以憑咨部毋違等因到道奉此遵即備行鳳陽府并泗州衛嚴追完報去後又復節次馳催不啻至再續據該府衛屢以此項銀兩實係題定應給之項彼時領用俱爲造船公費又無年

遠丁逃戶絕實難追比援

赦請豁前來本道俱經逐次嚴駁按日催提今復據鳳陽府詳稱移准泗州衛回稱康熙十四五年前備董任解給過濟造丁銀卽敬陳未議等事案內

題定貼造之項也案於據詳

題參等事案內奉前總漕帥部院牌康熙二十年四月二十一日准戶部咨開泗州衛順治十八年起至康熙十年止共解給丁銀六千六百七十一兩九錢零既係當日總漕蔡士英

題准編徵濟造及未定有何衙門報銷之例等語  
查與原案康熙十年五共銀餘丁銀六千六百十  
題之案相符應毋庸議者也等因遵行在案今此  
康熙十四五年丁銀事屬一例况該年所造漕  
船久經滿號現在提造給過丁銀既事勒追新  
造物料又行血比乳乳子遺何以堪此合無仰  
請轉詳

題豁以甦軍困等情據此查得泗州衛前後兩幫  
領過康熙十四十五兩年分開丁銀一千一百  
六十二兩六錢零奉行屢催該衛照數追完具

報不啻至再茲准該衛移稱此項銀兩實係  
題定應給之項彼時領用俱爲造船公費今奉部  
文駁追本應遵照追完起解奈事屬遠年丁逃  
戶絕實難追比援

赦請豁前來職府屢經駁追並無分毫完報第今部  
限已滿而承追不力遲悞之咎實難爲該衛守  
備陳謀寬也合將職名開報等情到道據此該  
本道查得泗州衛康熙十四十五年閑丁銀共  
一千一百六十二兩六錢零節奉大部駁追本  
道遵行府衛嚴比完報接催至今其如該府衛



止有請豁之虛文並無追完之實數此康熙十四十五年丁銀事經十有餘載無論丁故人叅無可着追在該衛叅罰纍纍非止一次設有可追之處竊恐衛備亦斷不肯捨已之功名而爲他人代過也但今一年限滿並未追完則泗州衛守備陳謀承追不力職名伏候具疏  
題叅再查陳謀此案從前已經叅過合併聲明等因到臣該臣看得泗州衛守備陳謀承追康熙十四十五年分開丁銀一千一百六十二兩六錢零限滿無完經前任總漕臣馬世濟

題叅部覆銀兩速行追完等因前漕臣馬世濟准到部文當經檄行江安糧道遵照去後及臣莅任接管又經嚴催今據該糧道叅政周訓成詳稱節奉駁追遵行府衛嚴比但今一年限滿並未追完守備陳謀此案從前已經叅過將職名開報前來則泗州衛守備陳謀承追不力之咎臣不敢爲之寬也相應

題叅伏乞

勅部議覆施行康熙二十八年十月十二日

題

臣等查得漕運章程內開  
凡有侵漕情事  
一經查出  
即行嚴辦  
以儆效尤  
欽此

開辦以來  
臣等督率  
各屬  
嚴加查緝  
務期  
弊絕  
風清

未敢  
稍懈  
竊思  
漕運  
關係  
國計  
至重  
臣等  
職司  
督緝  
不敢  
稍疏

題承審六合二州縣侵漕一案遲延職名

題爲特叅侵漕州縣官役大弊以肅漕政事據安

徽按察司按察使高夢說江安糧道叅政周訓

成會詳內開奉臣牌開康熙二十八年六月初

六日准戶部咨開雲南清吏司案呈奉本部送

戶科抄出總漕董訥題前事等因康熙二十八

年四月二十日題五月初八日奉

旨王大駢等着嚴加議處具奏該部知道欽此欽遵

於本月初九日抄出到部奉此查得總漕董訥

疏稱廬州衛二幫坐派六安州月糧米六百二



十石據稱止給過米六十九石三斗又扣存安家月糧米六十石餘竟不給又廬州衛三幫坐派合肥縣月糧米一千七十石據稱止給過米三百四十二石六安州月糧米六百五十石據稱止給過米三百七十石其餘經承盜賣但今船糧已經過淮尚不全給除將廬州衛二三兩幫官丁原呈批行嚴究追比外蠹役曹震聲等恣意侵漕則溺職徇私之罪不能爲六安州知州王大騏合肥縣知縣熊一棧寬也等因題叅前來相應將知州王大騏知縣熊一棧交與

吏部議處至於蠹役曹震聲等恣意侵漕之處應速催嚴審究追具

題可也爲此合咨前去查照施行等因移咨到部院准此擬合就行仰道查照來文部咨奉

旨內事理卽將蠹役曹震聲等星速嚴審恣意侵漕盜賣情弊招擬詳報并未給行月米石速行嚴追一併具文報院以憑具

題毋得徇縱有干承審不力之叅速速等因到司遵卽嚴檄廬州府作速究審疊加嚴催迄今始據招解前來除俟會審明確另招詳解外該安

徽按察使高夢說會同江安督糧道叅政周訓  
成會看得六安州革職知州王大騏合肥縣革  
職知縣熊一棧任蠹侵漕一案奉院檄准部文  
發審遵卽轉行廬州府提集官役確究節加馳  
催不啻舌敝詎意怠玩延至屆限始將官犯招  
解前來查此案係六月初六日奉到部文扣至  
十月初六日限滿今雖解到但事關侵漕難容  
草率本司等現在會訊仍須弔查冊結明白方  
可招解院臺親審均需時日今限期已滿其承  
審遲延之咎實不能爲廬州府知府杜立本寬

也擬合開報仰請院臺俯賜

題叅等因到臣該臣看得六安州革職知州王大  
騏合肥縣革職知縣熊一棧坐派廬州衛月糧  
米石不行全給恣意侵漕經臣特疏

題叅部覆蠹役曹震聲等恣意侵漕之處速催嚴  
審究追具

題等因臣遵檄行安徽按察司江安糧道嚴審去  
後又經行催今據安徽按察使高夢說會同江  
安糧道叅政周訓成詳稱遵卽轉行廬州府提  
集官役確究延至屆限始將官犯招解見在會



訊均需時日今限期已滿將廬州府知府杜立  
本職名開報前來則廬州府知府杜立本承審  
遲延之咎臣不敢爲之寬也相應

題叅伏乞

勅部議覆施行康熙二十八年十月十二日

題

題開復廣信所運弁掛欠全完

題爲特叅掛欠運弁事據護理江西糧道事南昌  
府知府張士佺詳稱奉前任總漕邵部院牌開  
康熙二十三年四月二十日准兵部咨武選清  
吏司案呈奉本部送兵科抄出戶科外抄戶部  
題前事康熙二十三年二月十二日題本月十  
四日奉

旨依議欽此欽遵抄出到部該臣等議得戶部疏稱  
康熙二十二年起運二十一年分漕糧掛欠運  
官張友心等二十二員開列職名分數交與兵

部議處等因前來查鳳陽中衛三幫運官張友  
心泗州衛後幫運官黃士爵廣信所運官王廷  
綵鳳陽衛二幫運官繆魯治以上四員俱掛欠  
漕米一分以上均應照例降級發追鳳陽中衛  
頭幫運官顧三異長淮衛頭幫運官丁世麒鎮  
海衛前幫運官孫景范杭州前衛後幫運官張  
運中嘉興所運官謝承宣九江衛後幫運官林  
義溫州衛前幫運官史傳淮安衛頭幫運官雷  
祖材溫州衛後幫運官劉芳亨長淮衛三幫運  
官楊烈江淮衛頭幫運官陳文煥江淮衛三幫

運官張士龍興武衛十四幫運官陳陞江淮衛  
四幫運官童標揚州衛頭幫運官馮大威儀真  
衛運官雒書廬州衛運官時名世永新所運官  
石琢玉以上十八員俱掛欠漕米不及一分均  
應照例停陞內張運中已陞福建福寧城守營  
守備陳陞已陞廣東潮州鎮標右營守備此二  
員應照陞任官例於新任內各罰俸一年可也  
康熙二十三年三月十九日題本月二十日奉  
旨依議欽此欽遵抄部送司案呈到部等因到部院  
准此擬合就行備牌仰道查照部覆奉



旨事理轉行欽遵毋違等因到道奉此業經前道鮑  
參議轉行廣信所運官王廷綵遵照在案今據  
該運官詳稱奉此案照卑職康熙二十二年領  
運二十一年分漕糧因河道淺阻本所旗丁余  
蓬兒等共掛欠平稜米二千六百三十六石八  
斗三升一合七勺五撮六圭奉發南追前蒙檄  
行廣信府追比後於康熙二十四年九江衛前  
幫運官沈彪帶運卑所將簞羨等銀對下扣留  
折抵過平米五石四斗二升六合九勺六抄四  
撮二圭南昌衛後幫運官耿元忠帶運卑所將

京倉餘米截扣并簞羨等銀對下扣留折抵過  
平米共一十石三斗五升八合三勺四抄二撮  
八圭南昌衛後幫運官蔡士瑛帶運卑所通倉  
餘米截扣并簞羨等銀折抵過平米共二十九  
石二斗五升八合七勺一抄四撮五圭鉛山所  
運官吳伯祚帶運卑所通倉餘米截扣分抵并  
簞羨等銀對下扣留共抵折過平米一十五石  
九斗二升一合二勺八抄八撮五圭又康熙二  
十五年鉛山所運官張志仁帶運卑所將京倉  
餘米截扣并簞羨等銀對下扣留折抵過平米

七十四石九斗三升八合七勺一抄四撮二圭  
又康熙二十七年卑職帶運饒州幫臨倉買補  
交兌完過平米二千五百石九斗二升七合六  
勺八抄一撮四圭以上各年扣抵餘米簞羨并  
臨倉買補米石俱如數全完已奉驗明批迴完  
呈領發回南呈繳暨坐糧廳咨報在案所有掛  
欠漕糧降級一案例於完糧之日開復今卑職  
糧已全完顆粒無欠相應詳請俯賜查覈轉詳  
開復以結漕案等緣由到道據此該卑職查看  
得中樞政考漕糧掛欠條內原載如有掛欠一

分者見任守千降級發追追完還職不完革職  
未完不及一分者停陞則例昭然今查廣信所  
運官王廷綵原領運康熙二十一年分漕糧掛  
欠平米二千六百三十六石八斗三升一合七  
勺零奉部議覆掛欠漕糧一分以上照例降級  
發追奉發南追前道遵卽轉行廣信府遵限追  
完解省隨於本弁代運饒州所康熙二十七年  
起運二十六年分漕糧幫內買補赴通交納暨  
節年各運官名下餘米簞羨抵銷照欠全完似  
符開復之例旣據該弁詳請前來覆覈無異所



有該弁掛欠漕糧降級一案相應據文轉詳院臺俯賜鑒覈具

題開復等因到臣該臣看得廣信所運官王廷綵領運康熙二十一年分漕糧掛欠平米二千六百三十六石八斗三升零部議掛欠漕米一分以上照例降級發追經前任總漕臣邵甘檄行江西糧道遵照在案今據護理江西糧道事南昌府知府張士佺詳稱前道轉行廣信府追完解省隨於本弁代運饒州所康熙二十六年分漕糧幫內買補赴通交納并節年餘米抵銷照欠全完詳請開復前來所有運弁王廷綵原叅未完降級發追之案例應開復相應具

題伏乞

勅部議覆施行康熙二十八年十月十二日

題

皇

康熙二十八年十一月初十日恭遇

長至令節

奏為慶

奏賀

長至令節

奏為慶

賀事康熙二十八年十一月初十日恭遇

長至今節臣奉差在外不獲同在

廷諸臣躬親拜舞謹望

闕叩頭慶

賀伏以

德統乾元首正六龍之位

建用皇極弘開五福之先



恭惟

皇帝陛下

率育蒼生

誕膺

景命寰區和協聲教覃敷四海一而萬國來王川岳

靈而俊乂斯出太平有象

曆服無疆臣恭遇

熙朝欣逢

長至身羈職業心戀

闕廷伏願

玉燭長調慶雍熙於九牧

金甌永固登仁壽於萬年臣無任瞻

天仰

聖懼忭之至右謹奏

聞康熙二十八年十月十三日

題

奏賀

皇太后長至令節

奏爲慶

賀事康熙二十八年十一月初十日恭遇

長至令節臣奉差在外不獲同在

廷諸臣躬親拜舞謹望

闕叩頭慶

賀伏以

一陽初復

萬彙昭蘇



齊濟疏章 卷之十六  
泰階共際昇平

福履彌增昌熾恭惟

仁憲恪順誠惠純淑端禧皇太后陛下

恩隆祚胤

化洽宮庭象

坤道以安貞維德用懋集

天庥而永保與時偕亨臣職守封圻欣逢

長至祥呈雲物瞻

化日之舒長頌獻升恒祝

純禧之茂集臣無任瞻

天仰

聖懽忭之至右謹奏

聞康熙二十八年十月十三日

題

啓賀

皇太子長至令節

啓爲慶

賀事康熙二十八年十一月初十日恭逢

長至令節伏以

天心眷祐綿萬世之洪圖

宗祏國本茂隆介

千秋之景福敬惟

皇太子殿下

元良德裕



英敏性成膺

皇有道之昌期臣民懽戴奉無疆之

寶曆之景詠

宗社尊安臣職守封圻忻逢

天心長至伏願永承

泰運合宇宙以誠和大集

禎符躋升恒於悠久臣無任懽忭踴躍之至右

謹啓

聞康熙二十八年十月十三日

題

題開復廣信所運弁過淮違限銷案

題爲恭報三次船糧過淮仰祈

睿鑒事據護理江西糧道印務南昌府知府張士佺

詳稱奉前任總漕邵部院牌開康熙二十二年

十二月二十七日准兵部咨武選清吏司案呈

奉本部送兵科抄出戶科外抄戶部題前事康

熙二十二年十月三十日題十一月初七日奉

旨依議欽此欽遵抄出到部該臣等議得戶部疏稱

江西省康熙二十二年起運二十一年分漕糧

各幫漕船過淮違限相應將千總蔡錫爵等開

列職名違限月日交與兵部議處等因前來查  
過淮違限二十日以上者撫州所領運千總蔡  
錫爵九江衛前幫領運千總王起鎮等二員均  
應照違限十日例令總漕各捆打二十內王起  
鎮已經別案革職應毋容議其違限一月以上  
者吉安所領運千總李遇春南昌衛前幫領運  
千總李斌元南昌衛後幫領運千總羊邦翰安  
福所領運千總武建烈贛州衛領運南昌衛後  
幫千總耿元忠建昌所領運千總李貞中鉛山  
所領運千總吳伯祚九江衛後幫領運千總林

義永新所領運千總石琢玉饒州所領運千總  
勞必達袁州衛領運千總林邦憲違限兩月以  
上者廣信所領運千總王廷綵等均應照違限  
一月例令總漕各捆打四十革職戴罪督押內  
羊邦翰已陞江西九江營副將右營守備應照  
例於新任內罰俸一年可也康熙二十二年十  
二月初七日題本月初九日奉  
旨依議欽此欽遵抄部送司案呈到部擬合就行爲  
此合咨前去煩爲欽遵查照施行等因到部院  
准此擬合就行備牌仰道查照來牌并准部覆



奉 旨 議 轉 行 廣 信 所 運 官 王 廷 綵 遵 照 在 案 今 據 該 旨 內 事 理 欽 遵 毋 違 等 因 到 道 奉 此 業 經 前 道 鮑 參 運 官 詳 稱 奉 此 案 照 卑 職 於 康 熙 二 十 二 年 領 運 二 十 一 年 分 漕 糧 因 河 道 淺 阻 本 所 旗 丁 余 蓬 兒 等 共 欠 平 糶 米 二 千 六 百 三 十 六 石 八 斗 三 升 一 合 七 勺 五 撮 六 圭 奉 發 南 追 前 蒙 檄 行 廣 信 府 追 比 在 案 後 於 康 熙 二 十 四 年 九 江 衛 前 幫 運 官 沈 彪 帶 運 卑 所 將 簞 羨 等 銀 對 丁 扣 留 折 抵 過 平 米 五 石 四 斗 二 升 六 合 九 勺 六 抄

四 撮 二 圭 南 昌 衛 後 幫 運 官 耿 元 忠 帶 運 卑 所 將 京 倉 餘 米 截 扣 并 簞 羨 等 銀 對 丁 扣 留 折 抵 過 平 米 共 一 十 石 三 斗 五 升 八 合 三 勺 四 抄 二 撮 八 圭 南 昌 衛 後 幫 運 官 蔡 士 瑛 帶 領 卑 所 通 倉 餘 米 截 扣 并 簞 羨 等 銀 折 抵 過 平 米 共 二 十 九 石 二 斗 五 升 八 合 七 勺 一 抄 四 撮 五 圭 鉛 山 所 運 官 吳 伯 祚 帶 運 卑 所 通 倉 餘 米 截 扣 分 抵 并 簞 羨 等 銀 對 丁 扣 留 折 抵 過 平 米 共 一 十 五 石 九 斗 二 升 一 合 二 勺 八 抄 八 撮 五 圭 又 康 熙 二 十 五 年 鉛 山 所 運 官 張 志 仁 帶 運 卑 所 將 京

倉餘米截扣并釐羨等銀對丁扣留折抵過平  
米七十四石九斗三升八合七勺一抄四撮二  
圭又於康熙二十七年卑職代運饒州幫臨倉  
買補完過舊欠平米二千五百石九斗二升七  
合六勺八抄一撮四圭以上各年扣抵餘米釐  
羨并臨倉買補米石俱如數全完已奉驗明批  
迴倉收領發回南呈繳并奉坐糧廳咨報在案  
所有過淮違限革職戴罪一案例於完糧之日  
一併開復今職糧已全完顆粒無欠相應詳請  
俯賜轉詳開復以結漕案等緣由到道據此該

卑職查看得中樞政考漕糧違限條內原載過  
淮違限十日者細打二十違限一月者細打四  
十革職戴罪督押俟交糧全完開復細釋則例  
蓋叅罰原以示懲而完糧仍與開復者乃鼓勵  
之至意也今查廣信所運官王廷綵原領運康  
熙二十一年分漕糧過淮違限一月以上奉部  
議覆細打革職戴罪督押復又掛欠奉發南追  
業經前道照數發落并轉行廣信府遵限追完  
解省隨於本弁代運饒州所康熙二十七年起  
運二十六年分漕糧幫內買補赴通交納暨節



年各運官名下餘米簞羨抵銷照欠全完實與開復之例相符今據該弁援例請詳前來覆覈無異所有該弁過淮違限捆打革職戴罪督押一案理應詳請開復等因到臣該臣看得廣信所運弁王廷綵領運康熙二十一年分漕糧過淮違限部議細打革職戴罪督押經前總漕臣邵甘准到部文檄行江西糧道遵照發落去後今據護理江西糧道印務南昌府知府張士佺詳稱該弁掛欠漕糧奉發南追業經照數發落并轉行遵限追解隨於本弁帶運饒州所康熙

二十六年分漕糧幫內買補交納暨節年各運弁餘米簞羨抵銷照欠全完詳請開復前來但該弁掛欠米石既經全完又經發落所有運弁王廷綵過淮違限革職之案例應開復臣謹具題伏乞

勅部議覆施行康熙二十八年十月十七日  
題

狀

陳疇蕭選蘇子東熙二十八年十月十日

張升子

臣等謹將蘇州府屬各屬開列具  
茲將開列各屬全案又錄發部  
共計未嘗美外除照例全案  
二十六日午在曹廳內買辦交際  
臣等謹將蘇州府屬各屬開列具

題徐旭被盜復叅武職各職名  
題為欽奉

上諭事康熙二十八年十月十一日據江蘇按察司

按察使高承爵詳稱康熙二十七年十月十九

日奉前任總漕馬部院牌開康熙二十七年十

月十一日准兵部咨職方清吏司案呈奉本部

送兵科抄出該本部彙題前事內開一件為盜

賊劫財殺人等事據總漕馬世濟疏稱安東縣

地方候選縣丞徐旭於康熙二十六年十一月

初四日夜被盜將疎防各官題叅前來應將



汛把總于江照例住俸兼轄遊擊梁士治罰俸  
六個月俱限一年緝賊如不獲題叅另處盜賊  
確數查明報部等因康熙二十七年九月初六  
日題本月初十日奉

旨依議欽此欽遵抄部送司案呈到部移咨到部院  
准此擬合就行仰司查照咨文內奉

旨事理即便欽遵將把總于江照例住俸遊擊梁士  
治罰俸六個月俱限一年緝賊如不獲將職名  
題叅盜賊確數先行查明報院咨部毋違等因到  
題

通詳以憑會覈

司轉行到府備移營廳并行安東縣緝拿未獲  
賊犯去後續准廟灣營手本內開惟照安東縣  
候選縣丞徐旭被盜一案限年緝賊行據把總  
于江呈淮安東縣移開審據已獲盜犯供稱同  
夥實係七名見拿獲張孚子劉世魁王才高德  
四名起出贓物失主認明現在審詳是夥盜七  
名已獲四名正符獲盜過半之例移賜開報至  
原叅端汛見任承緝把總于江其不同城兼轄  
遊擊則係本營梁士治也今准前因擬合移覆  
等因到府准此該卑府查得候選縣丞徐旭於

康熙二十六年十月初四日夜被盜七人行劫一案奉准部文限一年緝賊如不獲將武職各職名詳叅今此案詳載盜犯張孚子劉世魁王才張文并已故高德五名俱係豫省節次拿獲前後咨發到縣見在審招另報今查一年之限已滿查承緝武職嵩汛係廟灣營見在把總于江兼轄則係遊擊梁士治也所有有限年緝賊原叅武職各職名相應據實開報今准該營移稱此案夥盜七名已獲盜犯張孚子等五名正符獲盜過半之例應否邀援統候司裁等情到

司據此該本司查得徐旭失盜一案奉本部院牌開准兵部咨行司限年緝賊隨經轉行淮安營府廳縣勒限緝拿真盜審招去後續奉本部院牌開准河南撫院咨解盜犯張孚子等行司轉行淮安府審招未據詳解今查承緝武職各官一年之限已滿查失主原報盜夥七人限內已奉本部院牌開准河南撫院咨解盜犯張孚子劉世魁王才張文併取供病故之高德等五名發司檄發淮安府查審在案惟張文一犯未審明確見在駁勘今年限已屆所有原叅承緝



武職耑汛廟灣營見任把總于江兼轄遊擊梁士治也是此案限內獲盜已經過半相應通詳題覆等因呈詳到臣該臣看得候選縣丞徐旭家被盜一案疎防各官經前總漕臣馬世濟題叅部覆耑汛把總于江照例住俸兼轄遊擊梁士治罰俸六個月俱限一年緝賊如不獲題叅另處等因奉

旨依議欽遵轉行在案今據江蘇按察使高承爵詳稱承緝武職各官一年之限已滿查失主原報夥盜七人限內已獲盜犯張孛子等并病故之

高德共五名見在發審在案所有原叅武職耑汛廟灣營把總于江兼轄該營遊擊梁士治也據稱限內獲盜已經過半既據該司呈詳前來臣謹會同江南江西總督臣傅臘塔江寧巡撫臣洪之傑江南提督臣楊捷合詞具

題伏乞

勅部議覆施行康熙二十八年十月十七日

題

獸

韓滉畫馬圖卷之十六

孤舟子

引馬之勢

合口

西

前

高





